



Mafundisho Yenye

Uzima

Maana utakuja wakati watakapoyakataa mafundisho yenye uzima; ila kwa kuzifuata nia zao wenyewe watajipatia walimu makundi makundi, kwa kuwa wana masikio ya utafiti; nao watajipusha wasisikiye yaliyo kweli, na kuzigeukia hadithi za uongo. Bali wewe, uwe na kiasi katika mambo yote, vumilia mabaya, fanya kazi ya mhubiri wa Injili, timiliza huduma yako.—2 **Timotheo 4:3 – 5.**

“Mafundisho yenye uzima” ni ukweli wa Biblia—ukweli ambao utahamasisha uchaji Mungu na uaminifu, ukiwathibitisha watu wa Mungu katika imani. Mafundisho yenye uzima yana maana kubwa kwa mpokeaji; na inamaana kubwa pia kwa mwalimu, mhudumu wa haki; kwa maana popote injili inapohubiriwa, kila mtendakazi, bila kujali anakotolea huduma, anakuwa mkweli au mdanganyifu kwenye wajibu wake kama mjumbe wa Bwana.

Paulo aliandika, “Ni neno la kuaminiwa. Kwa maana, Kama tukifa pamoja naye, tutaishi pamoja naye pia; Kama tukistahimili, tutamiliki pamoja naye; Kama tukinkana yeye, yeye naye atatukana sisi; Kama sisi hatuamini, yeye hudumu wa kuaminiwa. Kwa maana hawezi kujikana mwenyewe. Uwakumbushe mambo hayo, ukiwaonya machoni pa Mungu, wasiwe na mashindano ya maneno, ambayo hayana faida, bali huwaharibu wasikiao” (2 Timotheo 2:11–14).

Baadhi ya watu ambao katika siku za Paulo walisikiliza ukweli waliibua maswali yasiyo na umuhimu wowote, wakiwasilisha mawazo na maoni ya wanadamu, na kutafuta kugeuza mawazo ya mwalimu kutoka kwenye kweli kuu za injili, hadi katika mijadala ya nadharia zisizo muhimu na kusuluhisha mabishano yasiyo muhimu. Paulo alijua kwamba mtendakazi kwa ajili ya Mungu lazima awe na hekima ya kutosha ili kuona ubunifu wa adui, na akatae kupotoshwa au kutolewa mstarini. Ubadilishwaji wa roho sharti uwe mzigo wa kazi yake; lazima alihubiri Neno la Mungu, lakini akiepuka mabishano...

Watumishi wa Kristo leo wako kwenye hatari hiyo hiyo. Shetani anafanya kazi mara kwa mara ili kuelekeza akili katika njia zisizo sahihi, ili ukweli uweze kupoteza nguvu yake juu ya moyo...

Watu wenye uwezo wamejitolea maisha yao yote ili kujifunza na kuomba katika kuyachunguza Maandiko, na bado kuna sehemu nyingi za Biblia ambazo hazijachunguzwa kikamilifu. Baadhi ya vifungu vya Maandiko havitaeleweka kikamilifu hadi katika maisha yajayo Kristo atakapovieleza. Kuna mafumbo ya kufumbuliwa, kauli ambazo akili za binadamu haziwezi kuzioanisha. Na adui atajaribu kuamsha mabishano juu ya mambo haya, ambayo yanaweza kubaki bila kujadiliwa.

Mfanyakazi wa kiroho aliyejitolea, ataepuka kuleta tofauti ndogo za kinadharia, na atatoa nguvu zake ili kutangaza kweli kuu ziharibuzo zinazopaswa kutolewa kwa ulimwengu. Atawaelekeza watu kwenye kazi ya ukombozi, amri za Mungu, ujio wa Yesu Kristo unaokaribia; na itabainika kuwa katika masomo haya kuna chakula cha kutosha kwa mawazo (Gospel Workers, 311–313).